

Sakspapir

Saksnr	Utvalg	Type	Dato
130/20	Formannskapet	PS	05.11.2020

Saksbehandler	Arkiv	ArkivsakID
Thomas Lindås	FE-223	20/4367

Tilskot frå næringsfondet - koronatilskot

Vedlegg:

Søknad Kilstraumen Brygge AS
Søknad Livsmestring for barn
Søknad Magne Hope AS
Søknad Mongstad Industrier AS
Søknad Ocean Recruitment
Søknad Optimal Hudhelse AS
Søknad Storebø Bil og Traktor AS
Søknad Straumcamp AS
Søknad Tobias Båt AS
Søknad Veltec AS
Søknad West Piping AS

Framlegg til vedtak:

Formannskapet i Austrheim tildeler ekstraordinært koronatilskot slik det framgår av tabell under:

Søkerar	Tildelingssum
Tobias Båt	210 000,00
Ocean recruitment & competence	92 000,00
Kilstraumen Brygge	324 000,00
Straumcamp	79 000,00
Veltec	150 000,00

Grunngjeving er gjeve i saksutgreiinga.

Vedtaket er heimla i: «Midlertidig forskrift om tilskudd til kommunale næringsfond som følge av covid-19-utbruddet»

Formannskapet i Austrheim tildeler ekstraordinært koronatilskot slik det framgår av oppsett under:

Tobias Båt AS: 175.000 kroner

Ocean Recruitment & Competence AS: 90.000

Straumcamp AS: 50.000
Kilstraumen Brygge AS: 270.000
Optimal Hudhelse: 25.000
Storebø Bil & Traktor AS: 150.000
Magne Hope AS Entreprenørforretning: 120.000
Mongstad Industrier: 120.000
Samla sum 1.000.000 kroner

Dette er finansiert med 855.000 frå ekstraordinært statleg tilskot, og 145.000 kroner i kommunale midlar. Kommunen sin del av tilskotet vert henta frå overskotet i 2020, som vert tilsvarende mindre. Vedtaket er heimla i: «Midlertidig forskrift om tilskudd til kommunale næringsfond som følge av covid-19-utbruddet»

Formannskapet - 130/20 - 05.11.2020

FS - behandling:

I denne saka var det to representantar som var ugilde, Helge Dyrkolbotn (KrF) og Bjørn Inge H. Dyrkolbotn (Sp).

Desse to ugilde vart skifta ut med vararepresentantane Anne Dahle Austrheim (KrF) og Reidar Øksnes (Sp).

Saka vart handsama i starten av møtet.

Kommunalsjef Thomas Lindås orienterte om saka, saman med sakshandsamar Bjarne Ve Sæbø.

Denne er no oppe på nytt i formannskapet, etter at den vart utsett sist. I samband med utsettinga var beskjeden at alle søkarane måtte leggja inn på nettportalen regionalforvaltning.no. Etter at søknadene no er registrerte på nytt har administrasjonen gjort ei vekting innanfor kriteria, med poengstilling 1-10, som ei skjønsmessig vurdering.

Bjarne Sæbø sa at det i vurderinga er sett på oppstart, tidsplan, og i kor stor grad det vil gje lokal aktivitet. Det er eit mål at tilskotet skal skapa aktivitet for det lokale næringslivet. Etter endringa fekk mellom anna Straumcamp og Kilstraumen meir midlar.

Reidar Øksnes (Sp) spurte om vektinga når ein har sett på prosjekta, med tanke på kva vekting som er lagt inn, og sa seg usamd med vurderingane om sysselsettingseffekten dette vil gje i Austrheim for dei ulike aktørane. Øksnes spurte om Storebø traktor, som ei lokal bedrift med lokale tilsette, ikkje burde vurderast høgare enn 1 på skalaen.

Kommunalsjef Thomas Lindås svara at det er gjort vurderingar utelukkande ut frå det som er notert i søknadene. Er open for at politikarane har andre vurderingar i denne saka enn innstillinga.

Innstillinga er ingen fasit, men er fagmessig vurdert ut frå søknadene og det som stod der.

Om Storebø traktor svara Bjarne Sæbø at prosjekt som er nesten ferdige ikkje vil skapa meir aktivitet om dei får støtte her. Når det gjeld storleik på støtta har ein gitt støtte til fem prosjekt for å sikra at det ikkje vart så små summar at dei ulike prosjekta ikkje kom i gang.

Anne Dahle Austrheim (KrF) spurte om vektinga, og sa at Optimal Hudhelse skulle vore vekta høgare, dei har måtta stenga i ein lengre periode på grunn av Korona-stenginga.

Kommunalsjef Thomas Lindås repeterte krava for tildeling (ligg i utgreiinga). Rådmann Liv Løvvik viste til at det er ope for formannskapet å vurdere annleis enn administrasjonen har gjort.

Ordførar Per Lerøy svara at det er vanskeleg å avgjera tildelinga. Ser at ein ikkje bør smøra for tynt utover, slik at det ikkje hjelper i det heile.

Anne Dahle Austrheim (Sp) sa at Optimal hudhelse burde blitt vurdert høgare på poeng, og ein sum som 25.000 kunne gitt stor betydning for dei. Thomas Lindås svara at dette vart vurdert.

Reidar Øksnes (Sp) sa om søknaden til prosjektet Til deg/ Livsmeistring for barn, at han ikkje hadde oppfatta at nokon har flagga noko behov for denne typen teneste i Austrheim. Om det er behov for denne typen tenester må det flaggast av dei som har med dette å gjera.

Rådmann Løvvik svara at det er vurdert at det kan vera andre behov for sårbare barn under Korona,

kommunen har mellom anna etablert hjartetelefon. Kommunalsjef Bjørnar Fjellhaug sa at i den situasjonen ein er i no med Korona, er det krevjande for ein del barn, og kommunen ser på kva behov desse har.

Reidar Øksnes (Sp) sa at det er andre typar tenester som kan hjelpe for slike ting, som Inn på tunet-tenester med meir, som ein har erfaring med i Austrheim. Om dette tilbodet skulle vurdert, så kunne ein hatt Inn på tunet eller eit tilbod ved Rongevær kurs- og fritidssenter.

På spørsmål frå Morten Sognnes (H) sa Anne Dahle Austrheim at Optimal hudhelse bør vurderast opp i kategori 2, slik også Straumcamp vart, då kan Optimal hudhelse få støtte.

Varaordførar Inger Lise Brekke (H) sa at ho var usikker på driftsmodellen for Til deg/ Livsmeistring for barn, med tanke på kor mange som skal jobba der.

Sakshandsamar Bjarne Sæbø svara at slik administrasjonen har forstått dette, så er det lagt opp til ein tilsett.

Reidar Øksnes (Sp) la fram sitt eige framlegg. Tatt vekk Veltec, med argumentasjon om at dette er ei bedrift med stort konsern i ryggen, og pga. at det er eit utviklingsprosjekt det er søkt om. Tatt inn Mongstad Industrier som ny på lista, dei har lærlingar og unge tilsette. Justert på fleire av dei andre.

Etter spørsmål svara Bjarne Sæbø sa at det kan gis maks 50 prosent av prosjektkostnad. Alle søknadene var på under 50 prosent av prosjektkostnad

Morten Sognnes (H) sa at ein skulle gjerne ha gitt til alle som har søkt. Ser på Magne Hope, skulle gjerne ha gitt noko der også, for å ha signaleffekt. Om framlegget frå Anne Dahle Austrheim om å støtta Optimal Hudhelse så kan ein gjerne ta med dette, liten sum som vil bety mykje for bedrifta.

Per Lerøy (Ap) sa at tildelinga er skjønsmessig, formannskapet står fritt til å fordela midlar.

Kommunalsjef Thomas Lindås sa at dette med poengsum og tabell er brukt som verktøy av administrasjonen, formannskapet er ikkje bunde av dette men kan dela ut midlane heilt fritt.

Per Lerøy (Ap) sa om Tobias Båt at dei har god tillit i marknaden, og at verksemda ønskjer å utvikla selskapet med ein 25 -fotar som dei har på gang.

Reidar Øksnes (Sp) ba om at det vart sett på kvifor andre får til det dei får til, som i Skipavika. Øksnes sa at ein kan gjerne bu i Austrheim og jobba i Sløvåg, og ba om at det vart sett på ei kryssande pendlarrute der ein ser på dette, og at det vart arrangert konferanse for næringslivet i brei forstand. Etter gruppemøte vart det fram eit eige framlegg basert på Senterpartiet sitt framlegg, der ein også legg inn 145.000 kroner frå kommunen. Dei 145.000 frå kommunen skal salderast mot overskot for 2020, slik at dette vert redusert tilsvarande. Det skal setjast opp poengsummer tilsvarande for tildeling og utbetaling, for å synleggjera kvifor det er gjort dei endringar som er gjort.

Handsming i formannskapet:

Samrøystes for fellesframlegget.

FS vedtak:

Formannskapet i Austrheim tildeler ekstraordinært koronatilskot slik det framgår av oppsett under:

Tobias Båt AS: 175.000 kroner

Ocean Recruitment & Competence AS: 90.000

Straumcamp AS: 50.000

Kilstraumen Brygge AS: 270.000

Optimal Hudhelse: 25.000

Storebø Bil & Traktor AS: 150.000

Magne Hope AS Entreprenørforretning: 120.000

Mongstad Industrier: 120.000

Samla sum 1.000.000 kroner

Dette er finansiert med 855.000 frå ekstraordinært statleg tilskot, og 145.000 kroner i kommunale midlar. Kommunen sin del av tilskotet vert henta frå overskotet i 2020, som vert tilsvarande mindre.

Vedtaket er heimla i: «Midlertidig forskrift om tilskudd til kommunale næringsfond som følge av covid-19-utbruddet»

Saksopplysninger:

Bakgrunn

Saka vart handsama av formannskapet 22.10.20 og det vart fatta slikt vedtak:

Saka vert sendt tilbake for ny søknadshandsaming.

Søkarane får beskjed om at dei kan leggja inn sine søknader på nytt, direkte på nettsida www.regionalforvaltning.no.

Det vert ikkje opna for nye søkarar, enn dei som hadde levert søknad i denne runden.

Søkarane skal ha levert sine søknader på www.regionalforvaltning.no seinast torsdag 29. oktober klokka 23.59.

Administrasjonen vil så handsama saka for utsending til formannskapet tysdag 3. november, for handsaming i møtet 5. november.

Vidare handsaming

Ekstraordinære midlar til kommunale næringsfond er ein del av krisepakke – del 3 2020 og er meint å motverke høg arbeidsløyse og er tildelt kommunar som er råka av høg arbeidsløyse med bakgrunn i covid 19. Tilskotet skal leggje til rette for økt aktivitet, sysselsetting og verdiskaping basert på lokale utfordringar, behov og potensial.

Det er utarbeid ei mellombels forskrift for tildeling av tilskotet. Formålet er definert slik:

§ 1 Formål

Covid 19-utbruddet har gitt store utfordringer for næringslivet i mange kommuner. Tilskuddet skal sette kommuner i stand til å leggje til rette for økt aktivitet, sysselsetting og verdiskaping basert på lokale utfordringer, behov og potensial.

Vidare skal følgjande kriterium særleg vektleggjast:

- a. i hvor stor grad tiltaket fremmer økt aktivitet, sysselsetting og verdiskaping basert på lokale utfordringer, behov og potensial
- b. i hvor stor grad bedriftsrettede tiltak, tilskudd til etablerere og andre næringsrettede tiltak antas å motvirke negative virkninger av covid-19-utbruddet
- c. hvor raskt tiltaket kan settes i gang

Forskrifta ligg vedlagt saksdokumenta.

Austrheim kommune fekk tildelt kroner 885 014,- til fordeling.

Informasjon om tilskodtsordninga og søknadsprosess vart gjort offentleg i slutten av juli månad med

søknadsfrist 1. september. Det kom inn 11 søknader som totalt har søkt om 3 010 557 kroner.

Etter handsaming i formannskapet 22.10.20 har alle 11 søkerane lagt inn søknad på regionalforvaltning.no.

Vurdering

I vurderinga av tildeling av tilskot skal mellombels forskrift som ligg vedlagt leggst til grunn. Basert på denne har arbeidsgruppa kome fram til følgjande forslag til fordeling av dei tildelte midlane:

Søkar	Søkar	Søkar	Søkar	Søkar	Søkar	Søkar
Storebø bil og traktor	400 000,00	1	7	10	18	
Optimal hudhelse	25 000,00	7	5	7	19	
Tobias Båt	350 000,00	7	6	9	22	210 000,00
Ocean recruitment & competence	205 271,00	6	6	8	20	92 000,00
Kilstraumen Brygge	540 000,00	7	8	7	22	324 000,00
Straumcamp	175 000,00	7	7	6	20	79 000,00
Veltec	300 000,00	8	8	5	21	150 000,00
Mongstad Industrier	411 800,00	7	5	7	19	
Magne Hope	200 000,00	3	6	10	19	
Til deg	230 000,00	5	2	9	16	
West Piping	520 000,00	6	2	9	17	
SUM	3 357 071,00		<i>Skala 1-10, kvar 10 er høgast</i>			855 000,00

Foreslått innvilga sum fordelast etter kven som har oppfylt kriteria i størst grad. Dette for å ha ei målsetjing om at få best mogeleg treffsikkerheit på tilskotet.

Rådmannen vurderar at gitt summen som er søkt på, over 3 millionar, kan ikkje alle få dei midlane dei ønskjer. I eit forsøk på å fremme første kriteriet om å auka aktivitet er det viktig at dei som mottek støtte får nok til å kunne utføre tiltaka sine. Samstundes meiner rådmannen at det er heilheita i kriteria som gjev best grunnlag for å kunne fordela midlane. Rådmannen vurderar, basert på dei tre kriteria, at den beste måten å få auka sysselsettinga fortast mogeleg er det overnemnde forslaget.

Konklusjon

Ekstraordinært næringsfond vert fordelt slik:

Søkerar	Tildelingssum
Tobias Båt	210 000,00
Ocean recruitment & competence	92 000,00
Kilstraumen Brygge	324 000,00
Straumcamp	79 000,00
Veltec	150 000,00

